

BOSNA I HERCEGOVINA
FEDERACIJA BOSNE I HERCEGOVINE
ZENIČKO–DOBOJSKI KANTON
KANTONALNO TUŽILAŠTVO
ZENIČKO–DOBOJSKOG KANTONA

Broj: T04 0 KT 0058976 24
Zenica, 06.11.2025. godine

OPŠTINSKOM SUDU U ZENICI
- Sudiji za prethodno saslušanje -

Nakon provedene istrage, na osnovu odredaba člana 45. stav 1. i 2. tačke i) i člana 241. stav 1. Zakona o krivičnom postupku Federacije Bosne i Hercegovine (*Službene novine Federacije BiH, broj 35/03, 37/03, 56/03, 78/04, 28/05, 55/06, 27/07, 53/07, 9/09, 12/10 i 8/13, 59/14*)¹, p o d i ž e m

OPTUŽNICU

Protiv:

S. H., osuđivan,

Što je:

dana 15.06.2024. godine, oko 17,15 sati, u Z., na pješačkom prijelazu ... , nakon što je došlo do narušavanja javnog reda i mira od strane I. A. grubim vrijeđanjem i to na način da se derao i psovao J. E.i fizičkim nasrtanjem prema J.E. sa kojim je bila grupa djevojčica košarkaškog kluba ... koje su se uslijed ponašanja I. A. razbježale, da bi potom I. A. bacio komad kruha u pravcu J. E., pa kada je E. zet S. H. vidio djevojčice koje bježe i glasno govore „udara djecu, udara trenera“ dolazi na lice mjesta, gdje mu E. govori da ih je I. A. napao, pa poptom u stanju bitno smanjene uračunljivosti, te u stanju jakog afekta, intezivnog i kratkotrajnog osjećaja straha i bijesa u koje stanje je doveden naprijed opisanim ponašanjem oštećenog I. A. bez svoje krivice, nakon čega je prišao A. i na namah u stanju jake razdraženosti mu zadao jedan snažan udarac desnom rukom u predjelu prednje strane glave, svjestan da uslijed takvog udarca A. može pasti na asfaltno tlo i zadobiti teške tjelesne povrede na što je i pristao, te istovremeno nesvjestan da od tih povreda može i umrijeti iako je prema navedenim okolnostima i prema svojim osobnim svojstvima bio dužan i mogao biti svjestan te mogućnosti, pa je uslijed tog udarca A. pao na trotoar i udario glavom o tlo, te zadobio teške tjelesne povrede

¹ U daljem tekstu ZKP FBiH.

u vidu krvnog podliva i otoka tkiva poglavine, krvni podliv i otok mekih tkiva u donjemlijevom jagodičnom dijelu, krvni podliv tkiva poglavine straga tjemenno – zatiljno u desnom dosredišnjem dijelu u nivou naprijed, krvnog podliva moždanih ovojnica čeonu sprijed u nivou prednje i donje strane oba čeonu režnja velikog mozga uz samu međuhemisveričnu brazdu, krvni podliv mekih moždanih ovojnica u donje-bočnim dijelovima lijevog sljepoočnog režnja i generalizirani otok moždanog tkiva velikog mozga, malog mozga, moždanog mosta i produžene moždine, nakon čega je I. A. zbog narušavanja javnog reda i mira priveden od strane policijskih službenika ... u prostorije Policijske uprave ... gdje je od posljedica zadobivenih povreda preminuo, isti dan oko 21:00 sat,

Čime je učinio krivično djelo teška tjelesna ozljeda iz člana 172. stav 6. u vezi sa stavom 1. i 3. KZ F BiH (Službene novine Federacije BiH br. 36/03, 37/03, 21/04, 69/04, 18/05, 42/10, 42/11, 59/14, 76/14, 46/16, 75/17, 31/23, 58/25).